

განმარტებითი ბარათი
„უმაღლესი განათლების შესახებ“ საქართველოს კანონში
ცვლილებების შეტანის თაობაზე

ა) ზოგადი ინფორმაცია კანონპროექტის შესახებ:

ა.ა) კანონპროექტის მიღების მიზეზი:

კანონპროექტის მიღების მიზეზია უმაღლესი განათლების მქონე იმ პირთა წრის სამართლებრივად დამკვიდრებული მდგომარეობა, რომელშიც ისინი აღმოჩნდნენ ბაკალავრებთან და მაგისტრებთან გათანაბრების წესის დადგენისას, ამ პროცედურის დროში მოუწესრიგებლობის გამო.

ა.ბ) კანონპროექტის მიზანი:

კანონპროექტის მიღების მიზანია სწორედ ამ მდგომარეობის აღმოფხვრა, რომ პირთა აღნიშნული წრე არ დარჩეს სწავლის შემდგომ საფეხურზე – დოქტურანტურაში სწავლების საშუალებას მოკლებული. მით უფრო, რომ ასეთი არაერთი ადამიანი ირიცხება უკვე დღეისათვის სხვადასხვა უნივერსიტეტების სადოქტორო პროგრამებში.

ა.გ) კანონპროექტის ძირითადი არსი:

კანონპროექტის თანახმად მაგისტრთან თანაბრდებიან ის პირები, რომლებმაც 2005-2006 წლების სასწავლო წლის დაწყებამდე გაიარეს სწავლების ერთსაფეხურიანი, არანაკლებ ოთხწლიანი საგანმანათლებლო პროგრამა.

კანონპროექტის ფინანსური დასაბუთება:

ბ.ა) კანონპროექტის მიღებასთან დაკავშირებით აუცილებელი ხარჯების დაფინანსების წყარო.

კანონპროექტის მიღება არ გამოიწვევს სახელმწიფო ბიუჯეტიდან დამატებითი სახსრების გამოყოფას.

ბ.ბ) კანონპროექტის გავლენა ბიუჯეტის საშემოსავლო ნაწილზე

კანონპროექტის მიღება გავლენას არ მოახდენს ბიუჯეტის საშემოსავლო ნაწილზე.

ბ.გ) კანონპროექტის გავლენა ბიუჯეტის ხარჯვით ნაწილზე

კანონპროექტის მიღება არ გამოიწვევს ბიუჯეტიდან დამატებითი ასიგნებების გამოყოფას.

ბ.დ) სახელმწიფოს ახალი ფინანსური ვალდებულებები

კანონპროექტის მიღება არ წარმოშობს სახელმწიფოს ახალ ფინანსურ ვალდებულებებს.

ბ.ე) კანონპროექტის მოსალოდნელი ფინანსური შედეგები იმ პირთათვის, რომელთა მიმართაც ვრცელდება კანონპროექტის მოქმედება

კანონპროექტი არ გააუარესებს იმ პირთა მდგომარეობას, რომელთა მიმართაც ვრცელდება კანონპროექტის მოქმედება.

ბ.ე) კანონპროექტით დადგენილი გადასახადის, მოსაკრებლის ან სხვა სახის გადასახდელის ოდენობის განსაზღვრის წესი (პრინციპი)
კანონპროექტი არ ითვალისწინებს ასეთის დაწესებას.

გ) კანონპროექტის მიმართება საერთაშორისო სამართლებრივ სტანდარტებთან

გ.ა) კანონპროექტის მიმართება ევროკავშირის დირექტივებთან:

კანონპროექტი შეესაბამება ევროკავშირის რეკომენდაციებში ასახულ მოთხოვნებს და არ ეწინააღმდეგება მის დირექტივებს.

გ.ბ) კანონპროექტის მიმართება საერთაშორისო ორგანიზაციებში საქართველოს წევრობასთან დაკავშირებულ ვალდებულებებთან

კანონპროექტის მიღება არ ეწინააღმდეგება საქართველოს მიერ საერთაშორისო ორგანიზაციებში წევრობასთან დაკავშირებით აღიარებულ ვალდებულებებს.

გ.გ) კანონპროექტის მიმართება საქართველოს ორმხრივ და მრავალმხრივ ხელშეკრულებებთან

კანონპროექტის მიღება არ არღვევს და არ ეწინააღმდეგება საქართველოს მიერ დადებულ ორმხრივ და მრავალმხრივი საერთაშორისო ხელშეკრულებებით ნაკისრ ვალდებულებებს.

დ) კანონპროექტის მომზადების პროცესში მიღებული კონსულტაციები:

დ.ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონპროექტის შემუშავებაში

ასეთი არ არსებობს.

დ.ბ) კანონპროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება კანონპროექტის მიმართ

ასეთი არ არსებობს.

დ.გ) კანონპროექტის ავტორი

საქართველოს პარლამენტის წევრი – ლევან ვეფხვაძე.

დ.დ) კანონპროექტის ინიციატორი

საქართველოს პარლამენტის წევრი – ლევან ვეფხვაძე.